


Alang sa dugang mga kasayuran, bisita lang sa:



Author: JAR

Printed by: JMC

Ang KALUWASAN

Higala, nasayod kaba kon asa paingon ang imong kalag human ka mamatay? Nahibalo kaba nga human sa kamatayon mao ang paghukom? **Hebreohanon 9:27** *Ug maingon nga kini gikatakda na ngadto sa mga tawo nga sa makausa mamatay, apan human niini ang paghukom.* Higala, karon mao ang panahon nga ikaw masayod kon asa paingon ang imong kalag human sa kamatayon. Wala kita makahibalo kon unsa ang mahitabo ugma. Sa **Santiago 4:14** nag-ingon *Sanglit kamo wala masayod unsa ang mahitabo sa ugma. Kay unsa ba ang inyong kinabuhi? Kini sama sa alisngaw, nga nagapakita sa mubong panahon, ug unya nagakahanaw.* Adunay duha lamang ka lugar ang puwede padulngan sa atong kalag human sa kamatayon. Kini mao ang *langit o impyerno*. Asa ka man aning duha paingon?

Kalag	Padulngan
Dili Luwas	Impyerno
Luwas na	Langit

Kini nga basahon libri ug walay bayad.

Higala, luwas naba ang imong kalag o wala pa? Angay nimong masayran karon mintras ikaw buhi pa ug may higayon pa nga mabatunan nimo ang saad sa **DIOS** nga mao ang **KINABUHING DAYON** pinaagi sa pagtuo kang **GINOONG JESUS** lamang.

ANG TANAN MAKASASALA

Roma 3:10,23 *Ingon sa nahisulat, walay mata-rung, wala, bisan usa. Kay ang tanan nakasala, ug nakabsan sa himaya sa Dios.*

Diin man nagsugod ang sala?

Roma 5:12 *Tungod niini, maingon nga pinaagi sa usa ka tawo[Adan] ang sala misulod nganhi sa kalibutan, ug ang kamatayon pinaagi sa sala; ug busa ang kamatayon midangat sa tanang mga tawo, kay ang tanan nakasala*

Mao kini ang gitawag ug **orihinal nga sala**. Sala nga atong napanunod gikan pa kang Adan, ug tungod niini nga sala, ang tanang tawo nahimulag gikan sa Dios nga mao ang gitawag ug **espirituhanon nga kamatayon**.

Espirituhanon nga kamatayon - ang pagkahimulag sa kalag ug espiritu, o pagkahimulag sa tawo gikan sa Dios.

2 Timoteo 3:16,17; Filipos. 2:13

PAG-AMPO SA MAKASASALA

(ingon nga kini uban sa sinseridad)

Ginoong Jesus, ako usa ka makasasala. Dili Ako dili makaluwas sa akong kaugalingon. Pasayloa ako sa akong mga sala ug ako misalig sa imong mga bililhon nga dugo nga imong giula didto sa krus sa kalbaryo. Gidawat ko ikaw nga akong Ginoo ug manluluwas sa akong kinabuhi. Amen.

Unsay mahitabo kon akong dawaton si Ginoong Jesus?

ANG SANGPOTANAN SA KALUWASAN

Ikaw mahimong usa ka anak sa Dios. (*Juan 1:12*)

Ikaw makadawat sa kinabuhi nga walay katapusan, ug makaikyas sa paghukom. (*Juan 5:24*)

Kamo makakat-on sa pagsunod sa paggiya sa Dios, ug ang Dios magabantay kanimo sa kasigurohan. (*Juan 10:27-30*)

Juan 20:31 *Apan kini gipangsulat, aron kamo makatoo nga si Jesus mao ang Cristo, ang Anak sa Dios; ug nga sa nagatoo kamo makabaton og kinabuhi pinaagi sa iyang ngalan.*

- Si JESUS lamang ang makaluwas kaninyo gikan sa inyong mga sala ug wala nay lain pa
- *2 Cor. 5:21*

*Ang bautismo sa tubig walay labot sa kaluwasan. Ang kaluwasan pinasikad lamang sa pagtuo kang Ginoong Jesus ug walay labot ang maayong buhat (Efeso 2:8-9). Ang bautismo sa tubig usa ka pagsunod sa mando o sugo (Mateo 28:18-20), usa kini ka maayong buhat nga kinahanglan pagasundon human ang tawo midawat ni Ginoong Jesus ug nalu-was. Kini mao ang usa ka hulagway sa paglubong sa mga daan nga kinabuhi ug sa pagbangon sa mga bag-o nga kinabuhi, sama kang Cristo nga gilubong, ug nabanhaw.

PAMAAGI ARON IKAW MAKABATON SA KALUWASAN

1. Mokumpisal nga ikaw usa ka makasasala
Roma 3:10,23; 1 Juan 1:8
2. Dawata ang gasa sa Dios - Salig sa kamatayon, paglubong, ug pagkabanhaw ni Jesu-Cristo lamang alang sa imong kaluwasan.
Roma 5:16; 1 Tesalonica 4:14
3. Human kamo mga ginaluwas, sa pagbasa sa Bibliya ug sa pag-ampo, ug ang Dios mogiya ug makahimo kaninyo sa pagpahimuot Kaniya.

Pisikal nga kamatayon - mao ang
*pagkahimulag sa lawas ug kalag. o
pagkamatay diha sa unodnong bahin.*

Unsa ang bayad sa sala?


Roma 6:23a *Kay ang bayad sa sala mao ang kamatayon*

Ang gipasabot ani nga kamatayon mao ang espiritu-hanon nga kamatayon ug dili ang pisikal nga kamatayon. Tungod sa sala ni Adan nga atong nasunod kita namatay diha sa espirituhanon nga bahin ug kita angay nga igatambog ngadto sa linaw nga kalayo o impyerno. Apan dili buot ang Dios nga ang tawo igatambog ngadto sa linaw nga kalayo,

ANG DAKONG GUGMA SA DIOS

Roma 5:8 *Apan ang Dios nagapakita sa iyang gugma nganhi kanato, nga, samtang kita mga makasasala pa, si Cristo namatay alang kanato.*

Juan 3:16-17 *Kay ang Dios nahigugma pag-ayo sa kalibotan, nga siya mihatag sa iyang bugtong nga Anak, aron si bisan kinsa nga nagatoo diha kaniya dili gayod malaglag, apan aduna kinabuhing walay kataposan. Kay ang Dios wala mipadala sa iyang Anak dinhi sa kalibotan aron sa paghukom sa silot sa kalibotan; apan aron ang kalibotan pinaagi kaniya maluwas.*



Si Cristo nagpakamatay para kanato nga mga makasasala

2 Cor. 5:21 Kay siya mihimo na kaniya [Jesus] nga sala alang kanato, kinsa wala nakaila og sala; aron kita unta mahimo nga pagka-matarong sa Dios diha kaniya.

1 Pedro 2:24 Kinsa sa Iyang kaugalingon mipasan sa atong mga sala diha sa iyang kaugalingon lawas diha sa kahoy, aron kita, ingon nga mga patay na ngadto sa mga sala, mabuhi gayod ngadto sa pagkamatarong: pinaagi sa kang kinsang mga samad kamo nangaayo.

Unsa man kita makabaton aning maong kaluwasan?

2 Cor. 6:2b tan-awa, karon mao ang panahon nga gitagal; tan-awa, karon mao ang adlaw sa

kaluwasan.

Prov. 27:1 Ayaw pagpagarbo sa imong kaugalingon sa ugma; kay ikaw wala nasayod kon unsa ang usa ka adlaw dad-on sa.

Unsaon man nga kita maluwas karon?

Buhat 16:31 Ug sila miingon, Tumoo ka sa Ginoong Jesus Cristo, ug ikaw maluwas, ug ang imong panimalay.

Roma 10:9 Nga kon imong isugid pinaagi sa imong baba ang Ginoong Jesus, ug magatoo diha sa imong kasingkasing nga ang Dios mibanhaw kaniya gikan sa mga patay, ikaw maluwas.

Roma 10:13 Kay si bisan kinsa nga motawag sa ngalan sa Ginoo maluwas.

Ayaw palimbong pinaagi sa usa ka bakak nga kaluwasan

- Dili nimo maluwas ang imong kaugalingon gikan sa sala - *Roma 5:9; Hebreohanon 9:22*
- Dili pinaagi sa buhat - *Efe. 2:8-9*
- Dili pinaagi sa pagtuman sa kasuguan o balaud - *Santiago 2:10*
- Dili pinaagi ug simbahan
- Dili pinaagi sa pagpabautismo*